

## **მსოფლიო პატრიარქი: ვიბრძვით და ვიცავთ მართლმადიდებლობას, რათა სახელმწიფო ეკლესიათა „კონფედერაციად“ არ გადაიქცეს**



მსოფლიო პატრიარქმა ბართლომე, ქალკედონში, წმინდა პატრიარქ გენადიოს სქოლარიისათვის მიძღვნილი საღვთისმეტყველო კონფერენცია გახსნა.

თავისი სიტყვაში ყოვლადუნმინდესმა აღნიშნა:

„მსოფლიო საპატრიარქოს მართლმადიდებელთა ერის წინაშე შეტანილი ფასდაუდებელი წვლილისთვის მძიმე ფასი გადაუხდია; ყოველივე ამას ხშირად ივიწყებენ ხოლმე; ეს საპატრიარქო დარჩა და რჩება ნაციონალური სტრუქტურების მიღმა; არასოდეს ემსახურებოდა ნაციონალიზმს, რასაც ეკლესიის კათოლიკურობის დამახინჯებად მიიჩნევდა და მიიჩნევს. სამწუხაროდ, მართლმადიდებლურ სამყაროში, მიუხედავად იმისა, რომ სინოდალურად დაიგმო ეს, როგორც ერესი, ეთნოფილეთიზმი კვლავაც მუდმივ ცდუნებასა და „ეკალს“ წარმოადგენს მართლმადიდებელ ეკლესიათა ურთიერთობებში. ავტოკეფალიურ ეკლესიებს შორის მუდმივი დაძაბულობა, მართლმადიდებელი ემიგრაციის გადაუჭრელი პრობლემები და, უკანასკნელ, რუსეთის

ეკლესიის მიერ ევქარისტიული კავშირის ინსტრუმენტალიზაცია და მისი ტრანსფორმაცია საეკლესიო პოლიტიკის განხორციელების საშუალებად, უკრაინის ავტოკეფალიური ეკლესიის შემთხვევაში, ამ სამწახარო ჭეშმარიტებას მოწმობს.

პერგამონის მიტროპოლიტი ეთნოფილეთიზმს ახასიათებს, როგორც „მართლმადიდებელთა ერთობის დიდ საფრთხეს“ და აფასებს მსოფლიო საპატრიარქოს დამოკიდებულებას ამ მხრივ და მის არსებით მისიას ანმცოსა და მომავალში, როგორც ზენაციონალური ცენტრის: “მსოფლიო საპატრიარქოს გარეშე მართლმადიდებლობა ჩავარდება ნაციონალიზმების მორევში, წარსულის ტრაბახობაში, თვითკმარობის თვითჩაკეტილობაში, თანამედროვე სამყაროს ზიზღში. მსოფლიო საპატრიარქომ დაამტკიცა, რომ მას შეუძლია წარსული ანმცოდ გარდაქმნას, ანმცო – მომავლად, გუშინდელი დღე – დღევანდლად და დღევანდელი – ხვალინდლად. ეს იმიტომ, რომ მისი ინსტიტუციური სტატუსის გარდა, ის ატარებს გახსნილ მსოფლმხედველობას, უნივერსალურობასა და მგრძნობელობას ყველა ეპოქის ადამიანისადმი და წარმოადგენს მართლმადიდებელთა მომავლის ადამიანურ გარანტიას” (Κόσμος Λύτρον, გვ. 283).

სწორედ ეს მემკვიდრეობა დაგვიტოვა პატრიარქმა გენადიოსმა და სწორედ ამ მემკვიდრეობას იცავს მსოფლიო საპატრიარქო, ვითარცა გუგასა თუალისასა; ცდილობს გადაარჩინოს მართლმადიდებლობა, რათა ავტოკეფალიურ სახელმწიფო ეკლესიათა „კონფედერაციად“ არგადაქცეს.”

[wenews.ge](http://wenews.ge)